



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis Pœnitentiæ & Extremæ Unctionis;
necnon varia summorum Pontificum Decreta, contra Moralis corruptæ
propositiones, & alia

Genet, François

Parisiis, 1703

Declaratio Sacræ Congregationis Concilii Tridentini à SS. D. N. Clemente
Papa IX. approbata, super accessu Regularium ad Monasteria Monialium.

urn:nbn:de:hbz:466:1-40817

Nota: In propositionibus damnatis ab Alexandro VII. propositio duodecima videbatur limitata ad solos mendicantes. Ita enim habet propositio; Mendicantes possunt absolvere à casibus Episcopis reservatis, non obtenta ad id ab Episcopo facultate. At Clemens X. magis amplè loquitur, dum absolutè sic pronunciat, Ex facultatibus per Mare magnum, aliavè privilegia cujuscunque Ordinis, instituti, aut Societatis, etiam Jesu concessis, facta eis non est potestas absolvendi in casibus ab Episcopo sibi reservatis.

DECLARATIO

Sacra Congregationis Concilii Tridentini à SS. D. N. Clemente Papa IX. approbata, super accessu Regularium ad Monasteria Monialium.

DIE II. Maii 1669. Sac. Congregatio Eminentissimorum S. R. E. Cardinalium Concilii Tridentini Interpretum, habita noticia, quod nonnulli Regulares absque licentia, crates Monasteriorum Monialium adire, & frequentare non dubitent, prætendentes non esse interdictum per breve tempus, etiam usque ad quadrantem horæ cum dimidiò, quod horologio arenario aliquando metiuntur, Moniales, aliasque personas intra Clausuram existentes alloqui; & hanc opinionem tanquam tutam affirmant, disseminant, & etiam forsitan in scriptis evulgent, proprias graviter illaqueantes conscientias, & scandala confoventes, ad hujusmodi perniciosos errores eliminandos opinionem prædictam improbens, reji-

ciens, & damnans, declaravit, Regulares cujuscumque Ordinis, Militiæ, Societatis, Congregationis, & Instituti, etiam de quibus specialis mentio foret habenda, qui ad Monasteria Monialium, quamvis ab Ordinarii Jurisdictione quomodolibet exempta, & etiam ipsis Regularibus subjecta, vel alias speciali mentione digna, absque legitima facultate accedunt colloquendo, etiam per quodcumque modicum tempus, cum Monialibus, aut aliis intra Clausuram degentibus, peccare mortaliter, eosque sub excommunicationis, & privationis vocis activæ, & passivæ, aliisque contra Regulares accedentes sine licentia ad Monasteria Monialium statutis pœnis posse ab Ordinario, tanquam Sedis Apostolicæ Delegato carcerari.

Et die 7. Junii ejusdem anni, facta relatione SS. D. N. Sanctitas sua præsentem Declarationem approbavit, ac typis dari, servarique jussit.

A Card. Celsus Præfectus.
Loco † Sigilli.

J. Brancaccius Archiep. Adrianopol.
Secretarius.

